

რევნი პრესა

რედაქცია (ლია 9-2 და 5-7).

საგაზეთო მასალა უნდა იყოს დაწერილი გარკვეულად და ერთ გვერდზე. დაუბეჭდავ წერილებს რედაქცია არ ინახავს. მისამართი: ქუთაისი, თფილისის ქ., ფიხაძის სახლი. ფოსტის აღრები: ქუთაისი ფოსტის ყუთი № 80.

კანტორა (ლია 9-2 და 5-7).

გაზეთის ფასი: ერთი თვით 50 მან. 3 თვით 150 მ. განცხადების ფასი: სტრიქონი პეტრისა პირველ გვერდზე 2 მ. უკანასკნელზე 1 მ. 50 კ. სამგლოვარო განცხადება: საშუალო ზომისა თითოჯერ 50 მ., 12 საათის შემდეგ 70 მ.

სამშაბათს 25 ნოემბერს საღამოს 7¹/₂ საათზე ქუთ. ქალაქის თეატრში წაიკითხავენ

ლექციებს

სპირიტონ კელია: საქართველოს საგარეო და შინაური მდგომარეობა.

ალ. ასათიანი: საქართველოს ეკონომიურ ფინანსიური მდგომარეობა. ლექციების შემდეგ კამბარტება კამბათი.

ვარდენ ვასილის ძე ქელბაქიანი და შვილები მისი: მაშო, ნადია, ლიუბა, ვენია, ფაცია და ლიზა, სიძეები: ვარლამ (ვალიკო) არდიშვილი და ვეტიხი ჩხატარაიშვილი უღრმესი მწუხარებით აუწყებენ ნათესავთ და ნაცნობთ გარდაცვალებას პირველის საყვარელი მეუღლის, მეორე ძვირფასი დედის და მესამე სიდედრის

ალექსანდრა ივანეს ასული ქელბაქიანისა

რომლის გამოსვენება ბინიდან (პოლიციის ქუჩა, სახლი კლდიაშვილისა) და დაკრძალვა საფირჩხის სასაფლაოზე მოხდება 25 ნოემბერს, ნაშუადღევს 3¹/₂ საათზე. პანაშვიდები ყოველ დღე 4 საათზე. 2-1.

ვარლამ (ვალიკო) არდიშვილი და მეუღლე მისი მაშო ვარდენის ასული უღრმესი მწუხარებით აუწყებენ ნათესავთ და ნაცნობთ, — პირველი ძვირფასი სიდედრის, ხოლო მეორე საყვარელი დედის

ალექსანდრა ივანეს ასული ქელბაქიანის

გარდაცვალებას, რომლის გამოსვენება მოხდება სამშაბათს, 25 ნოემბერს ნაშუადღევს 3¹/₂ საათზე. პანაშვიდები ყოველ დღე 4 საათზე, პოლიციის ქუჩა, სახლი კლდიაშვილისა.

ვეტიხი ჩხატარაიშვილი და მეუღლე მისი ნადია ვარდენის ასული უღრმესი მწუხარებით აუწყებენ ნათესავთ და ნაცნობთ პირველი ძვირფასი სიდედრის ხოლო მეორე საყვარელი დედის

ალექსანდრა ივანეს ასული ქელბაქიანის

გარდაცვალებას რომლის გამოსვენება მოხდება სამშაბათს 25 ნოემბერს ნაშუადღევს 3¹/₂ საათზე. პანაშვიდები ყოველ დღე 4 საათზე. პოლიციის ქ. სახლი კლდიაშვილისა.

ქვრივი მარიამ იაკობის ასული შვილები ლევან, არჩილ და ლილი, დედა ელისაბედ სიმონის ასული, ძმები მიხაილ, რაფაელ და ვაზირელ იოსებია ძენი გოკიელები ოჯახითურთ აუწყებენ ნათესავებს, მეგობრებს და ნაცნობებს, რომ ორშაბათს 24 ნოემბერს გარდაცვალების მე-7 დღეს დილის 9 საათზე ქუთაისის ქართველ კათოლიკეთა ეკლესიაში გადახდილი იქნება წირვა და პანაშვილი ძვირფასი და დაუვიწყარი

პეტრეს

სულის მოსახსენებლად.

ეკატერინე თეიმურაზის ასული აბდუშელიშვილისა შვილებით და სიძეებით უღრმეს მადლობას უძღვნიან ნათესავთ, ნაცნობთ და ყველა იმ პირთ, ვინც კეთილ ინებებს და პირადად ანუ დეპეშით პატივი სცეს და ანუგეშეს ივინი ძვირფასი და დაუვიწყარი

დავით ნიკ. კე აბდუშელიშვილის

გარდაცვალების გამო. 1-1.

ქვრივი ელისაბედ ირაკლის ასული მიქელაძისა შვილებითურთ აუწყებენ ნათესავთა და ნაცნობთ, რომ ქ. ქუთაისში სამშაბათს 25 ნოემბერს, დილის 10 საათზე მთავარ ანგელოზის ეკლესიაზე გადახდილი იქნება წლის წირვა და პანაშვილი

დავით ალექსანდრეს ძის მიქელაძის

სულის მოსახსენებლად. 2-1.

ნათესავთ ვექილი

მიხეილ ნიკიფორეს ძე ბერძული—იგივე ბერძულიშვილი

გადავიდა ივანოვს ქუჩაზე, ახლონიკაშვილის სახლში, ზედა სართულში. 3-1.

შიშვილთაგან ბრძოლა.

15 და 16 ნოემბერს თფილისში მომხდარა სასურსათო დარგში მომუშავეთა და გამგეობის წევრთა თათბირი, რომელშიაც მთავრობისა და კოოპერატივების წარმომადგენლებსაც მიუღიით მონაწილეობა.

მეგრამ ამ თათბირის დადგენილება იყო განხორციელდა, საშინელება დაგვატყდება თავს.

სასურსათო თათბირის დადგენილებისდა მიხედვით სავალდებულო საგნების (თამბაქოს, მატყლის, პარკისა და სხ.) გაზიდვა და პურისა და სხვა პირველი საჭიროების შემოზიდვა უნდა დაევალოს მხოლოდ მთავრობასა და თვითმართველობათა და უნდა აეკრძალოსთ კერძო აგენტებს.

მთავრობასა და თვითმართველობათვე უნდა დაევალოს ისეთის არასავალიუტო საქონლის (თხილის, დაფნისა და სხ.) გაზიდვა, რომელიც მალე ფუჭდება.

ამ მიზნით მთავრობამ და თვითმართველობებმა უნდა მოაწყონ უცხოეთში სავაჭრო მისიები. იმავე დროს უნდა გადადებულ იქ-

ნეს სასურსათო ფონდი და ჩაბარდეს მთელი ამ საქმის ხელმძღვანელობა ერობათა კავშირის კომიტეტს.

ერთი სიტყვით, უნდა მოეწყოს ახალი სასურსათო კომიტეტები, მისიები, სავაჭრო კომისიები, მისსიონერები და სხ. რასაკვირველია, ამ ახალს ბიუროკრატისა აუარებელი ხარჯი დასჭირდება.

იმავე დროს, უეჭველია. ეს ბიუროკრატია არა თუ ვერაფერს ვერ შექმნის, არამედ, რაც გაკეთებულია, იმასაც დაანგრევს:

აბა, მიბძანეთ: თამბაქოს პატრონებს რომ თამბაქო არ გააყიდვიონ, დასთესავენ თამბაქოს? და რაც აქვს, არ გადაშლენ?

და, მატყლისა და აბრეშუმის პატრონებს რომ მატყლი და აბრეშუმი რეკვიზიტის წესით ჩამოართვან, მეტად ცოტა მატყლი და აბრეშუმი გამოშვებულდება: უმეტესი ნაწილი შინვე გაიყიდება.

და, თხილი, დაფნა და სხ. თუ პატრონებს ჩამოართვან, თხილის გაშენებასა და დაფნის მოკრეფა— შენახვასაც ბოლო მოეღება.

ქალაქის თეატრში სამუშაოებს

სპირიტონ კვლევა

დღიური.

სოციალისტურ პარტიის ხელმძღვანელებმა ქ. მილანში საერთო გაფიცვა მოახდინეს.

დენკის რაიონში (კიევიდან 40 ვერსზე) მოხდა გლეხთა აჯანყება საბჭოთა წინააღმდეგ.

ასტრახანის გუბერნიაში ბორისო-გლების რაიონში და კალუგის გუბერნიაში დიდი აჯანყებაა.

დენიკინის მიერ ჯარში გაწვეულები ინგლისში პურის გატანის გამო აჯანყდნენ.

დენიკინსა და დონის მთავრობის შორის უთანხმოებაა.

შვეიცარიის ნაციონალურ საბჭომ 128 ხმით 43 ის წინააღმდეგ მიიღო დადგენილება შვეიცარიის „ხალხთა ლიგაში“ შესვლის შესახებ.

იტალიის დეპუტატთა პალატის არჩევნებში სოციალისტები და კათოლიკენი იმარჯვებენ.

რომელი მწარმოებელი დახარჯავს თანხასა და შრომას თავისდა საზარალოდ?!

მაშ სასურსათო თათბირის არც ერთი დადგენილება მისაღები არ არის.

და ერთად ერთი გზა - ის გზაა, რომელიც ეროვნულ-დემოკრატიულმა ფრაქციამ დამფუძნებელ კრებას წარუდგინა.

სავალიუტო თუ არასავალიუტო საქონელი საქონლის შებატონებთა ამხანაგობებმა უნდა გაზიდონ იმ პირობით, რომ გაზიდული საქონლის ნაცვლად პური და სხვა პირველი საჭიროების საქონელი შემოიტანონ და მიღებულის წმინდა მოგების განსაზღვრული პროცენტი (თუნდა 25 %) უცხო ვალიუტით მთავრობას გარდასცენ.

მაშინ, ერთი მხრით, მესაკუთრეები წახალისდებიან და წარმოებაზე ხელს არ აიღებენ და, მეორე მხრით, მთავრობას ახალ კომიტეტებზე და მისიებზე არა დაეხარჯება - რა, სამონოპოლიო რენტა ხელში შერჩება.

ღიალ! მხოლოდ ამ პირობით არის შესაძლებელი, რომ წარმოება არ გაქრეს. და სურსათი და სხვა საჭირო საქონელი შემოიზიდულ იქნეს.

კმარა. სასურსათო და სხვა ამგვარი კომიტეტებისაგან რაც ვიწვინეთ!

გვაშოროს ღმერთმა ამ ახალი ბიუროკრატიის ხელში ჩაგარდნა!

ნესტარი.

ბათუმის აგებუ.

დღევანდელი ახალი აგებებიდან მკითხველი გაიგებს, რომ ბათუმში საყოფადღებო განცხადება გამოცა ინგლისელმა გენერალ გუბერნატორმა.

გენერალ გუბერნატორის გადაწყვეტილებით ბათუმში გაუქმებული ქალაქის საბჭო და გამგეობა იმ შემადგენლობით და ხასიათით, როგორც ეს მეორე წელიწადი მოქმედებდა ნაცვლად ამისა შემოუღია სულ სხვა წესი. გენერალ გუბერნატორის დადგენილებით შესდგება დროებითი მმართველობა სამი პირისაგან, რომელთა შორის ორი

ქართველია, მათ მეთაურობს ინგლისის ოფიცერი-პასუხის მგებელი ინგლისის მთავრობის წინაშე. ეს გამგეობა მოიწვევს საჭირო პირებს ადგილობრივი მოქალაქეთა შორის არჩეულს და მომავალი წლის თებერვლამდე განაგებენ ყოველ მხრივ ქალაქის ცხოვრებას.

დროებით გამგეობას ევალება ყოველი მხარე ქალაქის ცხოვრებისა მოაგვაროს, ყოველ დარგზე იზრუნოს და ამისათვის სათანადო ზომები მიიღოს, რომ უზრუნველ ყოფილ იქნეს მოქალაქეთა მდგომარეობა. მომავალ თებერვალში განზრახულია მოხდეს ახალი არჩევნები წესიერი და სამართლიანი, რომ ხელახლა შესდგეს ქალაქის საბჭო და გამგეობა მოქალაქეთა უმეტესობის სურვილის მიხედვით.

აღნიშნული გადაწყვეტილება და სავალდებულო დადგენილების სახით გამოცემული არსებითად სცვლის ბათუმის დღევანდელ მდგომარეობას და მომავლისთვისაც სხვა მდგომარეობას ამხადებს.

როგორც ვიცით ბათუმში უეცრად ჩვენდა საუბედუროთ ხელიდან გამოგვეცალა შარშან და თათრებს ხელში ჩაუვარდათ. სანამდი გერმანიის საქმე კარგათ იყო, ბათუმზე იმედი არ დაგვიკარგავს, მაგრამ შემდეგ, როცა გერმანიის საქმეები შეფერხდა, ბათუმში ინგლისის მფარველობით გაძლიერდა რუსის ელემენტი და სულ მალე ქალაქი ფაქტიურად რუსებს ჩაუვარდა ხელში. ბათუმში ფეხი მოიკიდა რუსეთის მომხრე ძალამ, ბათუმში შეიქნა დენიკინისა და კოლჩაკის მომხრე მკენე ელემენტების თავშესაფარი და სათარეშო ასპარეზათ.

ბათუმში ქართული ელემენტი შევიწროვდა. და ამ ბოლო ხანებში დენიკინის მომხრე ძალები სტრატეგიული პუნქტის მოწყობასაც კი განიზრახავდნენ. იქ მოდიოდა რუსეთიდან მკენე ელემენტი, იქიდან მიუღიოდა დენიკინს ბევრგვარი დახმარება და სხვა ასეთები. ამის გამო ბათუმში ძლიერ სახიფათო შეიქნა ჩვენი პოლიტიკური

რი მდგომარეობისთვის.

ერთი მხრით ბათუმი დავკარგეთ როგორც სამრეწველო ქალაქი, როგორც ზღვის ნაპირის სიმაგრე და მეორე მხრით პოლიტიკური საფრთხის ადგილათ გადაგვექცა, სადაც მტერმა მოიკალათა და ჩვენ მიზანში ამოგვიღო.

დღეს გარემოება იცვლება. ბათუმის მდგომარეობაში ახალი ხანა იწყება.

ბათუმიდან რუსის ელემენტი გაიღვენა. ბათუმი ინგლისის ზედამხედველობაში იქნება ფაქტიურად ბათუმის გამგენი ქართველები იქნებიან. ყოველ შემთხვევაში ბათუმში დიდი უფლება ეძლევა ადგილობრივ ძალებს და მათ შორის უპირატესობა და უმეტესობა ქართველები იქნება. ასეთი მდგომარეობა, რანშორებით სჯობს მას, რაც დღემდე იყო და მეტ იმედს იძლევა, რომ საბოლოოდ ბათუმის საკითხის გადაწყვეტაში ქართველების ინტერესი უფრო დაცული იქნება, ვინემ აქამდე იყო მოსალოდნელი.

რასაკვირველია ბათუმი საბოლოოდ არც ინგლისის ხელში უნდა იქნეს, არც ვინმე გარეშე ძალას დაემორჩილოს, ბათუმი უნდა იქნეს საქართველოს საკუთრება, რასაც მოითხოვს სამართლიანობა და კანონიერება, მაგრამ ჯერ-ჯერობით რუსების ხელში მის ყოფნას, ათასჯერ სჯობს ინგლისელების ზედამხედველობაში იყოს და ადგილობრივი ძალები პატივდებამდე ეყოლოს.

უწინდელს დღევანდელი სჯობს და დღევანდელს მომავალმა უნდა აჯობოს.

ტრიფონ ჯაფარიძე.

უპანასუნალი მშობები

საფრანგეთ-კავკასიის კომიტეტი პარიზში.

ჩვენს გაზეთში უკვე იყო ცნობა, რომ მიმდინარე წლის მარიაპოლის-თვეში, საფრანგეთის საზღვაო ლიგასთან, დეპუტატ დე-მონზის საპატიო და მ. ე. გიპოს ფაქტიურ თავმჯდომარეობით, საფრანგეთსა და ამიერ-კავკასიის რესპუბლიკების - საქართველო და აზერბაიჯანს შორის ეკონომიური ურთიერთობის გასაადვილებლად დაარსდა საფრანგეთ-კავკასიის ეკონომიური კომიტეტი. ეხლა ხან მიღებული ცნობით, ამ კომიტეტს პარიზის მეცნიერულ საზოგადოებათა დარბაზში გაუმართავს დიდი საჯარო კონფერენცია, რომელზედაც სიტყვებით გამოსულან მთელი რიგი გავლენიან ორატორებისა. კონფერენციის დასასრულს გამოუტანიათ შემდეგი რეზოლიუცია:

„კომიტეტის დამფუძნებელ, საპატიო და თანამგრძობ წევრებმა, მოისმინეს რა საქართველო-აზერბაი-

ჯანის წარმომადგენელთა მოხსენება ხსენებულ ახალ რესპუბლიკათა საჭიროებისა და მოთხოვნილებისა და საფრანგეთთან დამოკიდებულების შესახებ, სალამს უძღვნიან დე-მონტის პატივცემულ პრეზიდენტს, რომელმაც მფარველობა გაუწია ხსენებულ კომიტეტს კომიტეტს მიზნად აქვს დასახული ვაჭრობა-მრეწველობის მოგვარება საქართველო-აზერბაიჯანსა და საფრანგეთს შორის.

კომიტეტის წევრები სთხოვს საფრანგეთის მთავრობას მიიღოს ზომები მოკავშირეებთან ამიერ-კავკასიასთან წესიერი ეკონომიურ ცხოვრების შესაქმნელად და მიზოსვლის აღსადგენად, რისთვისაც საჭიროა უმთავრესად ნონსობის რიგთან პირობებში ჩაყენება, ფოსტა ტელეგრაფი აღდგენა და ტრანზიტის გაუმჯობესებას კომიტეტის წევრები დაბეჯითებით მოითხოვენ საფრანგეთის მთავრობამ იქნოს ამიერ-კავკასიას რესპუბლიკების დამოუკიდებლობა და მოკავშირეებსაც მიაღებინოს იგი.“

საქართველოს დელეგატი შვეიცარიაში.

შვეიცარიაში ჩავიდა საქართველოს რესპუბლიკის დელეგაციი. დეკანოზი-შვილია, რომელიც საქართველოს მთავრობამ დანიშნა საქართველოს წითელი ჯვრის წარმომადგენლად. დეკანოზი-შვილია, წითელი ჯვრის საერთაშორისო კომიტეტს, საქართველოს წითელი ჯვრის მუშაობის შესახებ ვრცელი მოხსენება წარუდგინა.

კაიოს სიკვდილით დასჯა.

უკანასკნელ საათში მიღებულ ცნობით სასამართლოს განაჩენით კაიო დახვრიტეს. სიკვდილის წინაშე მორთვი შეუშხაუნეს, ექიმი ყოველ წუთს ზუსტს უსინჯავდა ცოცხალი იყო თუ არა. რათდანაც მას დგომა არ შეეძლო, ის დასვეს სკამზედ და მისი დევრომილი სხეული ბოძზე მიაკრეს. ყველაფერი ეს მოქმედებდა ჯარისკაცთა ნერვებზე და ისინი ცუდად უმიზნებდნენ მას. ბოლოს ორი ნაბიჯის მანძილზე გასროლილმა ტყვიამ ბოლო მოუღო მის წამებას.

ახალი აგებუ.

მუთაისი.

ლექციები. სამუშაოს, 25 ნოემბერს ქალაქის თეატრში ლექციებს წაიკითხავენ სპირიტონ კედია: „საქართველოს საგარეო და შინაური მდგომარეობა“, და ალ. ასათიანი: „საქართველოს ეკონომიური-ფინანსიური მდგომარეობა.“

ბათუმის გენერალ გუბერნატორის განკარგულება. ქალაქის სარგებლობისა და კეთილ დღეობისათვის, ეხლანდელ ქალაქის საბჭოს დათხოვას აუცილებელ საჭიროთ ვრაც, ამიტომ 20 ამა ნოემბრიდან

